

جَزَائِر حَاكِمَتِ

جمعه ایرتسی

تومرو	ذی القعدة	سنه	مايس	سنه	صحيفه
۸۲۳	۳۰	۱۳۱۲	۱۳	۱۳۱۱	۱۱۴۸۵

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکریمی غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوز یاره یه هر پرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانتلر عدلیه نظارتی)
 (دأره سنده کائن جریده محاکم اداره سنه مراجعت ایللیدر)

قسم غیر رسمی

سلانیکده واقع حاجی مؤمن محله لی امینه خاتونک قتلی ماده سندن طولای جنایتله اتهام اولنان چنارلی بقال محله لی نعلجه جی علی اوغلی اون التی یاشنده عبداللطیفک بش سنه مدته کورکه قونلمسنه دأر ایکنجی دفعه اوله رق صادر اولان اعلام اصراری حاوی اولدینی جهتله محکمه تمیز هیئت عمومیه سنجه بالتدقیق جهت تطبیقه دن

طولای نقض ایدلمسی اوزرینه تکرار محاکمه ابتدار اولدینی صروده مرقومک ثلثان مدت جزایشه سنی اکمال ایله مظهر عفو عالی اولدینی ا کلا شلمسیله مذا کره کیفیت اولندقدده مرقومک تکرار محاکمه سنک اجر اسنه محل قالمدیغنه دأر ویر- یلان قراری حاوی سلانیک ولایتی استیناف محکمه سی جزا دأره سندن صادر اولان ۳ حزیران سنه ۳۰۹ تاریخ و یکریمی بدی نومرولی اعلامک تمیزی حقنده محکمه مرقومه مدعی عمومیلکنندن ویریلوب دأره عأده سنجه قبول اولنان استدعانا مه ایله اعلام مذکور و تقراتی باش مدعی عمومیلک

مأموریت علیه سندن ۲۳ مارت سنه ۳۱۱ تاریخ
ویوز اون نومرولی تبلیغنامه ایله محکمه تمیز جزا
دائرة سنه کوند رملکله بالمطالعہ تدقیقات تمیزیه
اجرا اولندقدہ هر قدر مدعی عمومینک لایحه
تمیزیه سنده محکومک ثلثان مدتی اجمال ایله مظهر
عفو عالی اوله رق صالیو برلش اولسندن طولانی
محاکمه سی لازم کلیه جکی حقندہ اولان محکمه نک
قرار و ذهابی بو بایده کی تحریرات عمومیہ نظارت
پناهی به مغایر اولدیغندن بخله اعلامک نقضی
طلب اولنیورایسده تبلیغنامه ده بیان اولندی
وجهه ثلثان مدت جزایه لرینی اجمال ایله مظهر
عفو عالی اولان اشخاصک محکومیتلرینه دائر
اولان اعلام محکمه تمیزیه نقض اولنسه دخی
عفو عالی ایله جزانک سقوطی طبعی اوله جغندن
حقوق عمومیہ جهندن تکریر محاکمہ لری ایجاب
ایتمه جکنه وشو حالده اعتراض مذکور غیر وارد
بولنسنه نظر آ مذکور تمیز استدعاسنک ردینه
۳ نیسان سنه ۳۱۱ تاریخده قرار ویرلدی .

فی ۱۱ ذی القعدة سنه ۳۱۲

وفی ۲۴ نیسان سنه ۳۱۱

اعلام مذکورک خلاصه مالی من بور
قره قاش و بالچی برادرلرک نیقوله سیموطه ذمتده
الاجقاری اولان مبالغ معلومه نک تأمین استیفاسی
ایچون تحت حجزه الدقلری اموال و اشیا کندوسنک
اولوب مرقوم سیموطه نک دکانده اجرت ایله
ایفای خدمت ایتمکده اولدیغندن بخله حجز
موضوعک فکنی زحانیدیس برادرلر طرفندن

طلب و دعوی اولنسنه و اموال محجوزہ نک طول
مدت تحت تمهیرده قالمسندہ مضرت ملحوظ
بولنسنه مبنی مدعی زحانیدیس برادرلر طرفندن
کفالت معتبره مصدقه ارائه اولندی حالده حجزک
فکی لزومه دائر ایکنجی محکمه تجارتدن ویریلان
اعلام اوزرینه استینافاً جریان ایدن محاکمه
و تدقیقات نتیجه سنده قرار سابق مستأنف به
حجز موضوعک کفالت ارائه اولندی تقدیرده
فککنه متدائر اولوب یوقسه مختلف فیه اولان
استحقاق دعواسی حقندہ بر حکمی متضمن اولدیغنه
و حجزک بوصورتله فکی حقندہ اتخاذ اولنان قرار
بر تدبیر احتیاطیدن عبارت و بموقوله مقرراتک
اصول محاکمه نک التمس التبعی ماده سنک لاحقہ سی
موجبجه قرار قطعی لحوقندن مقدم استینافاً تدقیقی
غیر جائز بولدیغنه بناء استیناف استدعاسنک ردینه
حکمدن و مستدعیلر وکیللرینک اشبو حکم
علیهندن کی اعتراضاتک باشلو جه سی قرار مستأنف به
فک حجزدن عبارت اولوب بوايسه قابل استیناف
اولدیغندن بخله اعلامک نقضی و مدعی علیهما نک
نتیجه جوابلری دخی فک حجز قراری بر تدبیر
احتیاطیدن عبارت اوله رق قابل استیناف اولدیغنی
کی اصول محاکمه نک ایکوز اون سکرنجی ماده سی
موجبجه تمیزی دخی غیر جائز اولدیغنی بیانیله

اعتراض مذکورک ردی و موافق اصول و قانون
اولان اعلام مذکورک تصدیقی استدعاسندن
عبارتدر .

اول امرده اعلام میز به حکمنک قابل تمیز
اولدیغنی اکثریت آرا ایله تحت قراره الندقدن
صکره اساس ماده نک ایجابی مذاکره اولندقدہ
اعلام مذکور مندرجاتندن منفهم اولدیغنه کوره
محکمه استینافیه جه فک حجز قرارینک قابل استیناف
اولدیغندن بخله اولبایده اعطا قلنان استیناف
استدعاسنک ردینه حکم اولنمش ایسده قرار
مذکور بر حکم قطعی اولوب قابل استیناف بولنمش
ایکن استینافاً قرار موقت نوعندن اولدیغنی بیانیله
برموال محرر رد استدعایه قرار ویرلسی قانونه
مغایر و مستدعیلر وکیللرینک اعتراضی موافق
نفس الامر اولدیغنه بناء اصول محاکمه حقوقیه
قانوننک ایکوز اوتوز ایکنجی ماده سی موجبجه
اعلام مذکورک نقضنه و ایکوز قرق دردیجی
ماده سی حکمنه توفیقاً کیفیتک بالرؤیه اعلامه ربطی
ضمننده قسم مذکورہ اعاده سنه وزیرده مفرداتی
محرر بشیوز اون یدی یچق غروش مصارف
تمیزیه نک ایلروده حقسز چقه حق طرفه رجوع
ایتمک اوزره اول امرده مستدعیلردن التمسنه

۱۵ کانون اول سنه ۳۱۰ تاریخچه اکثریت آرایله
قرار ویریلرک تفهیم قلندی .

ادرمید بدایت محکمه سندن تجارت صفی
و ۹ کانون ثانی سنه ۳۰۶ تاریخی و سکسان ایکی
عددی ایله ویریلان اعلامک تمیزی استعدایدن
ادرمید قصبه سنک یکی جامع محله سنده مقیم قهوه جی
اصنافدن کورد اوغلی احمد ایلله میزعلیه قصبه
مذ کورده ساکن معمار ارستی تعیین قلنان کونده
دائرة کلدکرندن اصول محاکمه حقوقیه قانوننک
ایکیوز یکریمی طقوزنجی ماده سی موجبجه تدقیقات
تمیزیه اجراسنه ابتدار قلندی .

اعلام مذکورک خلاصه مالی مرقوم ارستینک
بابا حسین اوغلی حسنی نام کسسه کفالتیه مرقوم
احمد ذمتنده امره محرر برقطه سندن موجبجه
مطلوبی بولنان قرق برعدد سیم مجیدینک مدیون
وکفیل مرقوماندن تحصیاتی طلب ودعوی واثبات
مدعا ضمننده سند مذکور ابراز واعطا ایتیمی
واولنان دعوتیه کفیل حسنی اجابت ایدرک مدیون
احمد اغانک اجابت ایتامسی اوزرینه محکمه

مذ کورده اجرا قلنان محاکمه و تدقیقات
نتیجه سنده مبالغ مدعاییه مرقوم حسنینک کفالت
ایتمش اولدینی واقع اولان اقراری وسندن
مذ کورده موضوع امضاسیله ثابت اولسنه مبنی
مبلغ من بورك تاریخ استعدادن حین حکمه دکن
مع گذشته هر ایکسندن تحصیلنه حکمدن ومستدعی
احمد اغانک اشبو اعلام علیه لایحه سنده محرر
اعتراضاتنک باشلوجه سی مدار حکم اتخاذ اولنان
سند مذکور قهوه وشکر اثمانندن متولد اولوب
بوندن طولانی شریکی ایله دعوالری در دست
رؤیت بولندینی حالد سند مذکور حقنده محکمه جه
تدقیقات لازمه اجرا ایدلیه رک سند مذکور
بنای حکم اولنمی مغایر قانون اولدیفندن بمحله
اعلامک نقضی استعاضندن و میزعلیه ارستینک
لایحه سنده مندرج نتیجه جوابی دخی حکم واقع
موافق قانون اولدینی بیانیله اعتراض مذکورک ردی
واعلامک تصدیق طلبندن عبارت بولمشدر .

ایجابی مذاکره اولندقد اعلام مذکور
مندرجاتندن مفهوم اولدینی اوزره بدایه مدعی علیه
بولنان مرقوم احمد اغانک دعوت واقعه ایجاب
ایتماسی اوزرینه محافظه حقوقی ضمننده وکیل
مسخر تعیینیه انک مواجهه سنده مدعینک دعوی

عددی ایله ویریلان اعلامک تمیزی استعدایدن
بروسه نک تیمور قپو محله سنده مقیم طاشچی
علکساندروس و زوجیه سی محله مذ کورده
مقیمه انسطاسیه قادیان ایله مدعی علیه محله مذ کورده
اهالی سندن قنطارچی طنش یوم معینده دائرة
کلدکرندن اصول محاکمه حقوقیه قانوننک ایکیوز
یکریمی طقوزنجی ماده سی موجبجه تدقیقات تمیزیه
اجراسنه ابتدار اولندی .

اعلام مذکورک خلاصه مالی منبور طنشک
یکدیگرینه کفیل اولق اوزره مرقومان
علکساندروس و انسطاسیه ذمتلرنده الاجبی
اولان سکز لیرانک عندالاعتراض انکار وقوعنده
یمینلرینه تعلیقاً مع فائض مرقوماندن تحصیلی حکمی
متضمن محکمه مذ کورده دن استحصالی ایلدیکی
اعلام غیابی علیه مرقومان طرفلرندن اعطا
قلنان اعتراض علی الحکم عرض حالنده محرر
مدافعه لرینک شایان قبول اولدیفندن دریله حکم
غیابی مذکورک تصدیقه قرار ویرلیدیکندن
ومستدعی تمیزلرک اشبو اعلام علیه لایحه لرنده
محرر باشلوجه اعتراضاتی حکم غیابی علیه
ویرمش اولدقلمری اعتراض عرض حالی مندرجاتی
حقنده تدقیقات لازمه اجرا قلماسی مغایر قانون

و یننسی استماع اولنهرق بعد الثبوت حکم اولنق
و اثبات مدعان اظهار عجز ایدلیدیکی تقدیرده
یمینه تعلیقاً حکم ویرلک مقتضی اولدینی حالد
بودائرة قانونیه ده اجرای معامله اولنهرق کفیلک
کفالت واقعه سی اقرار ایتش اولدیفنک مدار
حکم اتخاذ اولنهرق برمنوال محرر قرار ویرلسی
مغایر اصول وقانون اولدیفنه بناء اصول محاکمه
حقوقیه قانوننک ایکیوز قرق برنجی ماده سی
موجبجه اعلام مذکورک نقضیه قانون منبورک
ایکیوز قرق در دنجی ماده سی حکمنه توفیقاً کیفیتک
یکیدن بالرؤیه اعلامه ربطی ضمننده محکمه
مذ کورده اعاده سنه وزیرده مفرداتی مرقم درت
یوز اون طقوز بیق غروش مصارف محاکمه نک
ایلروده حقسز چیه جق طرفه رجوع ایتک
اوزره اول امرده مستدعی احمد اغادن الخمسنه
۱۵ تشرین اول سنه ۳۰۸ تاریخچه متفقاً
قرار ویرلدی .

خداوندکار ولایتی مرکز بدایت محکمه سندن
۱۱ تشرین ثانی سنه ۳۰۸ تاریخی و یوز سکز

اولدیفندن بخله اعلامك تقضى استداسندن
وتميزعليهك لايحه جوابيهسى مالى دخى اعتراض
واقمك غير وارد اولدينى جهته ردی واعلامك
تصديق طلبندن عبارت بولمشد.

ايجابى مذاكره اولندقدن مندرجات اعلامدن
مستفاد اولدينى اوزره لاحق اولان حكم غيايى
عليهنده مرقومان عليكساندروس وانسطاسيه
طرفلرندن ويرلش اولان اعتراض استداسنده
محرر مدافعاتك شايان قبول اولمدينى بيانيله حكم
غيايى منبورك تصديقه قرار ويرلش ايسوده
ذكر اولنان استداسنامه مندرج اعتراضاتك
تاميله اخيراً تنظيم واعطا قلنان اعلامه درج
وتخيق وحكم غيايى منبوري رد وجرحه كافي
اولوب اولمديفنگ اصولى دائره سنده تديقيله برابر
غير وارد كورلديكى تقديرده ردنى مستلزم اولان
اسباب موجب قانونيهك بيان وارانيسى لازم
كلور ايكن محكمه مرقومهجه اشبوقاعده قانونيه
رعایت ايدليهرك بروجيه محرر قرار ويرلسى
يولسز وقانونه مغاير ومستدعى تميزلرك اعتراضى
دخى بوجهته متدائر اولمسييله موافق نفس الامر
كورلديكنه بناء اصول محاكمه حقوقيه قانونك
ايكيوز اوتوز ايكنجى مادهسى موجبجه اعلام

مذكورك تقضيله قانون منبورك ايكيوز قرق
دردنجى ماده سنده توفيقاً كيفيتك صورت مشروحه
دائره سنده يكيدن بالرؤيه اعلامه ربطى ضمننده
محكمه مذكوره به اعاده سنده وزيرده مفرداتى مرقم
درتيوز اون طقوز بحق غروش مصارف محاكمهك
ايلروده حقسز چيقه حق طرفه رجوع ايتك
اوزره اول امرده مستدعى تميزلردن التمسنه
۲۹ حزيران سنه ۳۰۹ تاريخنده متفقاً
قرار ويرلدى.

محكمه استيناف تجارت قسمندن قرار سابق
منقوضده ثبات واصرارى متضمن ۱۲ اغستوس
سنه ۳۰۸ تاريخى واللى التى عددى ايله ويريلان
اعلامك تميزينى استدعايدن متوفى زكى پاشا
ورنه سندن كرمسى مصر قاهرده دائره جليله
خديويهده امور كتابتله مشغوله سنه خانم وكيلى
رشيد افندى ايله تميز عليه بانق عثمانى وكيلى
روين افندى وموسيو زان باروچينك يوم معينده
ورود ايتلريله اصول محاكمه حقوقيه قانونك
ايكيوز قرق طقوزنجى مادهسى موجبجه هيئت

عموميهجه ايضاحات شفاهيه لرى و باش مدعى
عمومى معاونلرندن سعادتلو بورغاكي افنديك
مطالعيسى استماع قلندقدن صكره تديقات تميزيه
اجراسنه ابتدار اولندى.

اعلام مذكورك خلاصه مالى متوفى
مومى اليه زكى پاشانك برقطه سندن موجبجه
بانق عثمانيه اولان اون بيك عدد قونسليده ايله
ترتيب اولدن الى بيك عدد اسهام ممتازهك
متراكم فاضيله مذكور بانقدهن تحصيلي حقنده
ورثه مومى اليهم جانبندن اقامه اولنان دعواك
محكمه استيناف تجارت قسمنجه اخيراً سبق ايدن
تديقاتى نتيجه سنده پاشاى مومى اليهمك بانق
عثمانيه اولان معامله ومحاسبه سنى ميزلر معرفيله
بانق دفاترينه بالمراجعه رؤيت وتديقيله ويريلان
راپورتويه نظراً مدعا به اولان اسهام وقونسليدهك
نقدن بالتحويل پاشاى مومى اليه ايله بانق عثمانى
بيننده وقوع اولان معاملاتك حساب جاري سنده
ادخال ايله النوب ويريلهرك طرفينك حساباتى
قيامش وشو صورتله يكديكردن بركونه الاجقلى
قالماش اولدينى اكلاشلمقله پاشاى مومى اليه
ورنه سنىك مستند ادعائى اولان اسهام
وقونسليدهرك قبضنى حاوى بولنان علم وخبر ايله

بانق جانبندن ابراز ايديلوب پاشاى مومى اليهمك
مقبوضاتى مابين امضا وخطى محتوى اولان
جكلكر تديقنه محل اوليوب منسلب الاعتبار
اولديفنى بالبيان مذكور راپورتونك تصديقيله
اعلام ابتدائيك ابقاى حكمه وورثه مومى اليهمك
دعواى واقعه لرينك رديله مذكور بانق ايله
معارضه دن منعلينه دائر ويريلان قرار عليهنده
ورثه مومى اليهم وكيلى رشيد افندى طرفندن
تميز دعوى اولنقدن ناشى جريان ايدن تديقات
تميزيه نتيجه سنده بوخصوصه دائر مقد ماصادر
اولان اعلام استينافينك تقضى حاوى محكمه
تميزدن ويريلان اعلامده بانق دفاترينك تديقى
لزومك اسباب تقضيه صره سنده بيان وارانيسندن
مقصد تأمينات مقابلنده بانقيه توديع اولنان اسهام
وقونسليده دن طولايى طرفين بيننده كى حساب
جاريك وپاشاى مومى اليهمك بانقجه اولان
تعهدينك نه دن عبارت ايدوكنك تحقيق قضيه سندن
عبارت اوله رق يوقسه دفاتر مذكورهك ورثه
مومى اليهمك يندنه بولنان و سالف الذكر
قونسليدهرك قبضنى مشعر اولق حيثيتيله ضمان
مسئوليتى ايجاب ايدن علم وخبر مذكوره قارشو
حكم وتأثيرى اولميه جنى دركارايكن عندالاستيناف
مذكور راپورتونك تصديق حكميله دفاتر

مذكوره نك بانقه اهنده وورثه مومی اليهم عليهنده مدار حكم عد و اعتبار ايدلمی مخالف قانون اولوب محكمه جه ورثه مذکور راپورتو عليهنده درمیان ايدلکاری اعتراضاتك تدقيق و حليله بروجه محرر بانقه دفاترينه مراجعت و محاسبه مذكوره نك صورت جريانته كسب اطلاع اولندقدن صكره بانقه جانبندن منازع فيه سنده اخذ و قبض اولنديني اعتراف اولنان اسهام و قونسليده لره مقابل پاشای مومی اليهمه وقوعی ادعا قلنان تأديت و تسليماتك قانون دائره سنده اثبات ايتديرلمسيله اجرای محاكمه دوام اولمقی و ورثه و كيلي جانبندن خط و خاتمی انكار ايديلان جكلر حقنده دخي تميزك قرار سابق دائره سنده تدقيق خط و خاتم قاعده سنده توفيقاً اجرای تدقيقات اولنه رق حاصل اوله جق نتیجه كوره حكم و يرلك لازم كلور ايكن اولجه و يريلان قرار و حكمه بالكلية مخالف اوله رق سالف الذكرف دفا تره مستند اولان راپورتو موجبجه ورثه يدنده بولنان سنده منسلب الاعتبار عديله دعوالرينك ردينه قرار و يرلمی قانونه مغاير اولديني بيانيله اولبابده کی اعلام استينافينك نقض ايدلمی اوزرينه بشكرار جريان ایدن محاكمه و تدقيقات نتیجه سنده ورثه مومی اليهمك مستند ادعالي اولان سند مذکور

دینی متضمن والزام مقری مستلزم سندات نوعندن اوليوب برتهدك تأمين واجراسی ایچون توديع اولنان اسهامك قبضی حاوی علم و خبر ایدوکی مندرجاتيله مثبت بولنديغندن مستأنفلك مورثلری متوفای مومی اليه ايله بانق بيننده وقوعبولان معامله نك تعیین ماهیتی ايله تأمینات اوله رق و يرلمش اولان اسهام و تحویلات مدعا بها اوزرينه جريان ایدن معامله نتیجه سنده تدقيق واستخراجی ضمنتده بانق دفاترينه مراجعت اولنمسنه دائر بدياه و يريلان قرارك استينافاً و تمیزاً تصديق قلنمش و بوكی اكتساب قطعت ایدن حكم و قرار عليهنده تكرار اعتراضه مساغ و او يولده کی اعتراضك استماع و تدقيقه جواز اولديني قواعد اساسیه قانونیه دن بولنش اولديني کی سند مبحوثك فرانسوی العبارة اصل نسخه سنده (بانقه ايله اولان تعهدينك تأمینات اولمقی اوزره) عبارته سی محرر اولوب بوايسه متوفای مومی اليهمك بانقه به دینی بولنديغنی مبین بولنمسیله حقیقت ماده ذکر اولنان قرار قطعی موجبجه بانقه دفاترينك تدقيق و اوراق مدعا بها به متعلق معامله نك تعیینيله تظاهر ایدم جکی درکار بولنش و درجه اولی محكمه سنججه حكم قطعی مذكوره توفيقاً تشكيل اولنان هیئت میزه جانبندن ورثه نك انتخاب

ايتدکاری میز دخي متفق الرأی اولديني حالده تنظيم واعطا قلنان و تحقیقات مکمله ايله اسباب موجبیه حاوی و متضمن اولان راپورتوده مبحوث عنه اولان علم و خبرده قبضی بیان اولنان سالف الذکر قونسليده و اسهام ممتازده نك نقده تحویل ايله مستأنفلك مورثلری ايله بانق بيننده وقوعبولان معامله نك حساب جاري سنده ادخال صورتيله النوب و يريله رك طرفین حساباتنك قیاندینی و يكديكرندن نسبه الاجلری قالدینی و بناء علی ذلك معامله لرینك كاملاً منقطع اولديني كوسترلمش و برمنوال مشروح بر دینی متضمن اولمیه رق مجرد مورثلرينك دینی مقابلنده و یردیکي تأمیناتك قبضی حاوی اولان علم و خبرك بانق طرفندن استخلاص ایدلماش و متوفای مومی اليه يدنده قلنش اولمسنك قانوناً برکونه حكم و تأثیری اوله میه جینی و طرفیندن ابراز اولنان اوراق سائر نك دخي بوضورتله قانوناً اعتباردن ساقط اولديني طبیعی بولنش وشو حالده یعنی هر ایکی طرفدن ارائه ایدیلان اوراقك قطع معامله نك ثبوتندن ناشی منسلب الاعتبار اولديني و بانق طرفندن ابراز اولنان اوج قطعه جك دخي اوراق مذكوره قیلندن اوله رق حکمسنز قالمسی حسیله مستأنفلر طرفندن صح و امضالری مجهول ایدوکی

بیان اولنان ایکی قطعه سی حقنده تدقيق خط و خاتم معامله سی اجراسنه حاجت و لزوم قانونی کوريله - مامش و دعوا ده مدعی علیه بولنان بانق عثمانينك دفع مشروحي برمنوال محرر ثابت اولدقدن صكره ورثه نك ادعالي مجله نك بيك التیوز اوتوزا يکینچی ماده سی منطوقنجه مندفع و مردود بولنش ایدوکی بیانيله رد دعوالریله بانق عثمانی به قارشو معارضه دن منعلرينه حکمندن و مستدعيه مومی اليها سنيه خانم و کيلي رشيد افندينك اشبو حکم عليهنده کی اعتراضاتك باشلو جه سی عندالاستيناف بانق دفاترينه مراجعت اولنمسی قرارینی حاوی اولوب قطعیت كسب ايتديکی بیان ایدیلان اعلام منازع فيه اسهام و تحویلاتك قبضی مشعر اولان و هر وجهله بانقك ضمان و مسئولیتي مستلزم بولان سالف الذکر علم و خبرك وقایه اعتباريله برابر مرحوم زکی پاشانك محضاً بانقجه اولان تعهدات واقعه سنده تعیین ماهیتی ضمنتده بانق دفاترينه مراجعت اولنمسی لزومنی حاوی و حاکی اولوب یوقسه بانقه دفاترينك قانوناً حکمه کافی اوله میه جینی درکار اولديني حالده محكمه استينافیه جه بوبابده برطاقم اسباب واهیه سرديله بانقه دفاترينه مستند اولان میز لر راپورتوسی وجهله برمنوال محرر رد دعوا به قرار و يرلمی مغاير قانون اولديغندن بمثله اعلامك

تقاضی و میز علیہ بانقہ و کیلارینک نتیجہ جوابی
دخی حکم استینافی بانقہ دفاترینہ مراجعتله طرفین
بیننده کی منازعہ نک فصل وحسمی حقنہدہ ویریلوب
اکتساب قطعت ایدن اعلامہ مستند اولمغله برابر
میزلرک اولبایدہ ویرمش اولدقلمری راپور
مندرجاتہ کورہ اسہام و تحویلات مذکورہ نک
نقدہ تجویلیہ حساب جاری صورتیہ النوب
ویریلرک قطع معاملہ ایدلیدی اکلشلمش
وحکم واقع اصول وقانونہ موافق بولمش اولدینی
بیانیہ اعتراضات واقعه نک ردی واعلام مذکورک
تصدیق استعاسندن و معاون مومی الیہک
مطالعہ می دخی مستند ادعا اولان سندہ اخذوقبض
اولدینی محرر اولان تحویلات وقونسلیدہ لک
دینہ مقابل تأمینات اولمق اوزرہ ویرلیدی
عند الاستیناف اساس اتخاذ ایدیلرک رد دعویہ
قرار ویرمش ایسہدہ متوفی زکی پاشانک بانقہ
دینی اولدینی و بوکا مقابل تأمینات ویرلیدی نہ ایلہ
مثبت بولندیقی ذکر و ایضاح اولنامش اولدینی
بیانندن عبارت بولمشدر .

ایجابی مذاکرہ اولندقدہ تمیز اولنان اعلام
استینافی مندرجاتندن منفہم اولدینی اوزرہ محکمہ
استیناف تجارت قسمبجہ اخیراً جریان ایدن

تدقیقات نتیجہ سندہ حکم سابق منقوضہ اصرار
ایدیلرک متوفی زکی پاشا ورثہ سنک رد دعویالریلہ
بانق عثمانیہ قارشومعارضہ دن منعلریہ قرار ویرمش
ایسہ بوخصوصہ متعلق اول و آخر ویریلان
اعلامات مندرجاتہ نظر آ بوبایدہ بانقہ نک دفاترینہ
مراجعت اولنسی حقنہدہ ویریلان قرار اوزرینہ
طرفیندن تعیین قلنان میز ل جانبندن ویریلان
راپورتودہ بیان اولندیقی وجہلہ پاشای مومی الیہک
بانقہ یہ تسلیم ایدلیدی اسہام وقونسلیدہ لک نقدہ
تحویل اولنہرق حساب جاریہ بالادخال النوب
ویرلیدی وشو حالہ پاشای مومی الیہک بانقہ
الوب ویرہ جکی قلمدینی بیانیہ ورثہ مومی الیہک
مستند ادعاری اولان واسہام و تحویلات
مذکورہ نک تأمینات مقابلندہ بانقہ یہ تسلیم ناطق
ابراز ایدوب ورثہ نک انکار ایدلیدی جکر حقنہدہ
دخی تدقیقات اجرا سنہ محل اولدینی بیانیہ ورثہ
مومی الیہمک بانقہ ایلہ منع معارضہ لریہ داترقسم
مذکورندن ویریلان اعلامک محکمہ تمیز حقوق
دائرہ سنجہ نقضی حاوی ۲۳ ایلول سنہ ۳۰۲
تاریخیلہ اعطا قلنان اعلامدہ بانقہ دفاترینہ مراجعت
اولنسی لزومنک بیان وارانہ سندن مقصد تأمینات
مقابلندہ زکی پاشا طرفندن بانقہ یہ تودیع ایدیلان
مذکور اسہام وقونسلیدہ دن طولانی طرفین

بینندہ کی حساب جارینک و بانقہ جہ اولان تعہدک
نہدن عبارت ایدوکنک تحقیق و تعیین ماییتی
قضیہ سندن عبارت اولوب یوقسہ بانقہ دفاترینک
ورثہ مومی الیہم یندنہ بولنان وسالف الذکر
قونسلیدہ لک قبضی مشعر اولمق حیثیتلہ ضمان
ومسئولیتی موجب اولان علم و خبرہ قارشو حکم
وتأثیری اولہ میہ جنی درکارایکن دفاتر مذکورہ نک
بانقہ لہندہ و ورثہ نک علیہندہ مدار حکم عدیلہ
میزلر راپورتوینک تصدیق قلنسی مخالف قانون
اولوب ورثہ نک مذکور راپورتو علیہندہ
اعتراضلرینک تدقیق وحلیلہ بروجہ محرر بانقہ
دفاترینہ مراجعت ومحاسبہ مذکورہ نک صورت
جریانہ کسب اطلاع اولندقدن صکرہ ورثہ نک
استناد ایدلکری سندہ بانقہ جانبندن اخذوقبض
اولدینی اعتراف اولنان اسہام وقونسلیدہ لہ
مقابل پاشای مومی الیہہ وقوی ادعا قلنان تأدیات
وتسلیاتک قانون دائرہ سندہ اثبات ایتدیرلمسی
صورتیہ اجرای محاکمہ اولمق و ورثہ جانبندن
خط وخاتمہ انکار ایدیلان جکر حقنہدہ دخی
قرار سابق دائرہ سندہ تدقیقات اجرا قلنمق
لازم کلہ جکی محرر اولدیقنہ وفی الواقع متوفای
مومی الیہک بانقہ جہ اولان تعہدینہ مقابل تأمینات
اولمق اوزرہ بانقہ یہ اون بیک عدد قونسلیدہ ایلہ

القی بیک عدد اسہام ممتازہ تسلیم واعطا ایدلیدی
حاوی ورثہ سی یندنہ بولنان بانقہ نک سندینہ
قارشو اشبو قونسلیدہ واسہامک نقدہ بالتحویل
پاشای مومی الیہہ تأدیہ و ایفا اولندیقی یولندہ
بانقہ جانبندن درمیان اولنان مدافعہ نک ثبوتہ
بانقہ نک کندی دفتری قانوناً مدار حکم اولہ میہ جنی
کبی تعیین اولنان میز لک ویردکری راپوردہ
مندرج تدقیقاتک نتایجی بنہ سند مبحوث عنہدہ
محرر اولان تعہدک نہدن عبارت اولدیقی ونہدہ
مذکور قونسلیدہ واسہام بدلاتنک پاشای مومی
الیہہ ایفا قلندیقی قانون دائرہ سندہ اثباتہ کافی
اولہ جق صورتندہ قرآن ودلائل قویہ دن اولدینی
وبوخصوصہ بانقہ نک دفاترینہ مراجعت اولنسی
حقنہدہ محکمہ تمیزدن ویریلان قرار دخی بانقہ
ایلہ پاشای مومی الیہہ بینندہ جریان ایدن معاملات
ایلہ حقیقت حالک ظاہرہ اخراجی ضمنتہ تدقیقات
اجراسی لزومنی مین اولہرق یوقسہ بانقہ نک
دفاترندہ کی قیودک کندی لہندہ اولہرق دفع
دعواسنی اثباتہ کافی عد اولنسی متضمن اولدینی
بدیہی کورندیکنہ بناء حقوق دائرہ سنک انف البیان
نقض قراری اصول وقانونہ موافق اولمسی جہتیلہ
محکمہ استینافیہ جہ قرار مذکور دائرہ سندہ
رؤیت دعویہ ایتدار ایلہ بانقہ نک ادعا ایدلیدی

تسلیماتک سالف الذکر سنده قارشو اولسی جهتیله
قانون دائره سنده اثبات ایتدیریلرک حاصل
اوله حق نتیجه کوره حکم ویرلسی لازم کلور
ایکن حکم سابقده اصرار اولنهرق ورثه مومی
الیهمک برمنوال محرر رد دعوالرینه قرار ویرلسی
قانونه مغایر و مستدعیه مومی الیه سنیه خانم
وکیلک اعتراضیه معاون مومی الیهک مطالعه سی
موافق نفس الامر اولدیفته بناء اصول محاکمه
حقوقیه قانونک ایکوز اوتوز ایکنجی ماده سی
موجبجه اعلام مذکورک تقضیه قانون مذکورک
ایکیوز قرق دردنجی ماده سی حکمنه توفیقاً کیفیتک
یکیدن بالرؤیه اعلامه ربطی ضمننده قسم مذکوره
اعاده سنه وزیرده مفرداتی محرر اوچوز اون
طقوز یحق غروش مصارف تمیزیه نک ایلروده
حقسنز چیقہ حق طرفه رجوع ایتک اوزره اول
امرده مستدعیه مومی الیهان اخذ واستیفاسنه
۳۰ اغستوس سنه ۳۰۹ تاریخنده هیئت
عمومیه جه اکثریت آرا ایلہ قرار ویریلرک
تفهیم قلندی .

وان استیناف محکمه سندن ۱۰ ایلول سنه ۳۰۸
تاریخی ویدی عددی ایلہ ویریلان اعلامک تمیزینی
استدعایدن وانه تابع ابریرین قریه سی اهاالیسندن
بابا اوغلی کیفورق و میخو اوغلی حیدادور وکیلی
کر قور یوم معینده دائره به کلش ایسه ده میخو
اوغلی سیمون ایلہ مدعی علیه وانه تابع لیم اطه سی
مناستری متولسی ایلستقوس بغوص افندی
کلکدرندن یالکز وکیل مومی الیهک ایضاحات
شفاهیه سیله باش مدعی عمومی معاویلدن سعادتلو
یورغا کی افندیکنک مطالعه سی استماع قلندقدنصرکه
تدقیقات تمیزیه اجراسنه ابتدار اولندی .

اعلام مذکورک خلاصه مالی مومی الیه
بغوص افندیکنک متولسی بولندیفی چارنیاق
مناسترینه مربوط پاتزکلیساسنه بارات عالی موقوف
بولنان ومن القیم وقف مذکور متولسی طرفندن
تصرف اولنه کلدیکی اولبایده کی حجت شرعیه
واعلام ایلہ ثابت اولان لیم اطه سی دینمکه معروف
ومعلوم الحدود برقطعه مرعایه قوم غیرمحصور
ابریرین قریه سی اهاالیسی طرفلرندن بالتجاوز
مداخله اولندیفی کشفاً تحقق ایتسنه مبنی مرعای
مذکوردن اهالی مرقومه نک منع مداخله سی
حکمنی حاوی وان بدایت محکمه سندن ویریلان

اعلامک اهالی مرقومه دن کیفورق و سیمون
وحیدادورک وقوعبولان مراجعتلری اوزرینه
اراضی منازع فیها نک بدایت نوعی تعیین
ایتدیرلما سی اسبابنه بناء عندالاستیناف فسخیه
اجرا قلنان محاکمه ده مستأنفون مرقومون دعوی
واقعه ده مرور زمان بولندیفی مدافعه درمیان ایلہ
اکمال محاکمه ضمننده تعیین اولنان کونده اجابت
ایتملرینه مبنی غیابلرنده وکیل مسخر تعیینیه
جریان ایدن تدقیقات نتیجه سنده منازع فیہ اولان
مرعی سالف الذکر پاتزکلیساسنک اراضی
موقوفه سندن ایدوکی ابراز اولنان حجت واعلام
شرعی ایلہ ثابت و ابراز اولنان بیورلدی دخی
بوصورتی مؤید اولوب اهالی مرقومه نک درمیان
ایلدکلری تصرف ماده سنک اثباتی ضمننده برکونه
اوراق ابراز ایده مدکلرندن مجله نک یدیسوز
اوتوز سکرنجی و بیک سکر یوز یکرمی برنجی
ماده لری احکامنه توفیقاً مدعی علیهم مرقومونک
اراضی مذکوره به منع مداخله لرینه و مومی الیه
بغوص افندیکنک کشیده ایلدیکی پروتستوموجبجه
ادعا ایلدیکی ضرروزیان ایچون آروجه بدایت
محکمه سنه مراجعت ایتسنه حکمدن و مستدعیلرندن
کیفورق و حیدادور وکیلی کر قورک اشبوا اعلام علیه ده
باشلوجه اعتراضاتی محل منازع فیہک قانوننامه

اراضیده کوستریلان انواع اراضینک قننی نوعندن
اولدیفنک تدقیق اولنامسی مغایر قانون اولدیفندن
بجمله اعلام مذکورک تقضی استدعاسندن ومدعی
علیهک لایحه سنده مندرج نتیجه جوابی اعتراضات
مسروده نک واهی اولدیفنی بیانیه موافق قانون
اولان اعلامک تصدیق طلبندن ومعاون مومی
الیهمک مطالعه سی دخی منازع فیہ اولان اراضینک
نوع قانونسی تعیین اولنامش اولسی جهتیله حکم
ابتدائی فسخ اولنمشیکن اراضی مذکورک محکمه
استینافیه جه دخی تعیین اولنامسی ومسروزمان
حقنده درمیان اولنان اعتراضات مسکوت عنه
براقلمش اولسنه مبنی اعتراضات واقعه نک موافق
اولدیفنی بیانندن عبارت بولنمشدر .

ایجابی مذاکره اولندقدہ اعلام مذکور
مألندن اکلاشلدیفنی اوزره منازع فیہ اولان
اراضینک نوع قانونسی تعیین ایدلما سندن طولانی
اولبایده کی اعلام ابتدائینک فسخ ایدلمش اولسنه
کوره اول امرده محکمه استینافیه جه اولبایده
طرفینک استجوابی اجرا واقضایدن تحقیقاتک
ایفاسیله اراضی مذکوره نک نوعی تعیین اولنمقله
برابر مستأنفون مرقومون جانبندن درمیان
اولنان مرور زمان ادعای حقنده برقرار ویرلک

لازم کلور ایکن محکمه مذ کوره جه بورالینه
دقت اولمدينی کبی اکمال محاکمه ضمننده وقوع
بولان دعوتیه مستأ نفون مرقومونک اجابت
ایتمامش اولمیرینه نظراً موقتاً حق محاکمه نک
سقوطنه قرار ویرلمی مقتضیات قانونیه دن ایکن
بوجهت دخی نظر دفته التمهیرق غایبلرنده وکیل
مسخر تعیینیه بر منوال محرر حکم اعطا
اولمسی اصول وقانونه مغایر و مستدعی تمیزک
اعتراضیه معاون مومی الیهک مطالعه سی دخی
موافق نفس الامر کورلدیکنه بناءً اصول محاکمه
حقوقیه قانون موقتک ایکوز اوتوز ایکنجی
وایکوز قرق برنجی ماده لری موجبجه اعلام
مذ کورک نقضیه قانون مز بورک ایکوز قرق
دردنجی ماده سنه توفیقاً کیفیتک صور مشروح
دائرة سننده یکیدن بالرؤیه اعلامه ربطی ضمننده
محکمه مذ کوریه اعاده سنه وزیرده مقررانی مرقوم
درتیوز اون درت یحقی غروش مصارف محاکمه نک
ایلرده حقسزجیه جق طرفه رجوع ایتک اوزره
اول امرده مستدعیلردن النسنه ۱۴ ایلول
سنه ۳۰۹ تاریخنده متفقاً قرار ویریه رک
تفهیم قلندی .

چتالجه قضاسنه تابع یکیکجه حرسیتان قریه سی
ساکنه لرندن الی قادین ایله بیننده متحدث دعوایه
دائر چتالجه بدایت محکمه سنندن ۲۴ شباط سنه ۳۰۲
تاریخی والتمش درت عددی ایله ویریلان اعلامک
تمیزاً تدقیق قدقلیده قزغانی محله سننده تاتار اغا
زقاغنده ایکی نومرولی خانه ده ساکن خرسو
وکیلی اونیک داودیان جانبندن اعطا و استدعا
دائرة سنندن بامذکره تبلیغ اولسان عرضحال
ومتفرعاتنده استدعا قلندیقندن و دعوت واقعه
اوزرینه مستدعی طرفندن اونیک افندی وکالة
کلرک مدعی علیها الی قادین کلدیکی کبی بروکیل
دخی کوندرمدیکندن اصول محاکمه حقوقیه
قانوننک ایکوز یکرمی طقوزنجی ماده سی حکمنه
استناداً تدقیقات تمیزیه اجراسنه ابتدار و وکیل
مزبور اونیک افندی ینک ادعا و افاده سی
استفسار قلندی .

اعلام مذ کور مندرجاتنه نظراً مرقوم
خرستو یکیکجه حرسیتان قریه سننده الی قادینک
متصرفه سی اولدینی معلوم الحدود باغک طقسان
طقوز سنه سی اوزوم مخصولنی اوتوز برلیرا بدل
ایل کندوسنه فروخت ایتش اولدینی عشرینی
ویرماسنندن طولایی معشر جانبندن مذ کور

اعلان

بدوسک $\frac{۳۱۲}{۸۸}$ نومروسیله مقید اعلام موجبجه
مسطفی افندی ذمتنده محکوم به الاجبی اولان
مبالغ معلومه نک تأمین استیفای ضمننده مدیون
مومی الیهک بکمر بکنده حوض باشی نام محله
اونبر نومرولی یوزطقسان ایکی زراع عرصه ایل
محل مذ کورده مکرر اونبر نومرولی والتیوزاون
طقوز زراع بر قطعه عرصه که جمعاً ایکی قطعه
عرصه سنک جزیه فروختی داین طرفندن طلب
اولمسنه بناءً بک اوغلی بدایت محکمه سی ریاست
اولیسی جانبندن تحت قراره التمش اولغله تاریخ
اعلانن اعتباراً اون بش کون صکره بالمزاید
فروخته تشبث اولنه جینی بک اوغلی بدایت
محکمه سی اجرا مأموریتی جانبندن اعلان
اولنور .

فی ۲۵ نیسان سنه ۳۱۱


طودورا کینک $\frac{۳۱۱}{۸۸}$ نومروسیله مقید اعلام

اوزوم کندوسنه ویرلمدیکندن ووبایده مزبوره
پروتستو تبلیغ ابتدیرمش ایسه ده ینه ایفای تعهد
اولمديقندن بختله ثمن بیع اولان اوتوز برلیرانک
استردادیه ضرروزیانک مزبوره به تحمیلنی طلب
وادعا ایتش ایسه ده مدعی علیها الی قادینک مدافعه سی
واولایده اقامه ایلمش اولدینی شاهدلرک شهادتی
استماع قلندقدن صکره اجرا قلنان تدقیقات
نتیجه سننده مزبوره نک مدعا به اولان اوزوم
مخصولنی مدعی خرسویه فروخت و ثمنی بولسان
اوتوز بر لیرانی قبض ایتدکدن صکره عادةً بلده
موجبجه وار خیرینی کور دیهرک تسلیم وتسلم
قاعدہ سی اجرا ایلدیکی ووار خیرینی کور لفظنک
عادت بلده جه تسلیم وتسلم قاعدہ سی اولدینی
لدی التزکیه مقبول الشهاده اولان شاهدان
مرقومانک شهادت واقعه لریله ثابت اولدیقندن
بختله محله نک ایکوز طقسان دردنجی ماده سی
موجبجه ثمن میبعک استردادیه حقنده کی ادعا نک
ردیه مدعی خرسوتونک الی قادینه معارضه دن
منعنه قرار ویرلدیکی اکلشلمشدر .

مابعدی وار

موجبینجه معمار خرستو ذمتنده محکوم به الاجبی
اولان مبالغت تأمین استیفاسی ضمننده مدیون
مرقومک علی پاشا جاده سنده برنومرولی خانه مع
بفتجه و اوچ نومرولی عرصه ایله کرچ برونی
جاده سنده اون درت و مکرر اون درت نومرولرله
مرقم خانه مع عرصه سنک جزیله فروختی دابن
طرفندن طلب اولنسنه بناء تحت قراره النمش
اولغله تاریخ اعلاندن اعتباراً اون بش کون صکره
بالمزایده فروخته تشبث اولنه جنی بک اوغلی اجرا
مأموریتی جانبدن اعلان اولنور .


فی ۲۹ نisan سنه ۳۱۱



متوفی شریف حسن افندی ورثه سنک
ابراهیم افندی ایله رابعه خانم ذمتلرنده قسمت
عسکریه محکمه سندن ویریلان ۶ ح سنه ۳۰۶
تاریخی برقطعه ادانه جتی موجبینجه الاجقلمری
اولان مبالغ معلومه نك تأمین استیفاسی ضمننده
مدیونان مومی الیهما نك عهده لرنده اولوب
مرهون و وکالت دوریه ایله فروختی محکوم بولنان

استانبولده الاجه حمام قربنده چایی اوغلی خواجه
علاءالدین محله سنده تحمیس اوکی جاده سنده سکر
نومرو ایله مرقم مقدما توتونجی والیوم برباب
غازجی مغازه سی دروننده موجود بروجه
ملکیب توتونجی کدکنک اون طقوز بیک طقوز یوز
سکسان الی سهم حصه شایعه سی بوندن اقدام
مزایده یه قونیلهرق ایرای عثمانی یوز غروشندن
طقوز بیک غروش بدل ایله طالبی اوزرنده تقرر
ایتمش اولدیغندن یوزده بش ضمیمه بوندن دهها
زیاده یه طالب اولنلرک اشبوتاریخ اعلاندن اعتباراً
اوتوز برکون ظرفنده درسعادت اعلامات شرعیه
اجرا دائره سنه مراجعت ایلملری ومدت مذکوره
ختامندن صکره مذکور حصه تقرر ایده جک
بدل ایله طالبی عهده سنه معامله فراغیه سی اجرا
قلنه جنی دائرة مذکوره دن اعلان اولنور .

فی ۲ مایس سنه ۳۱۱



(مطبعة عامره ده طبع اولنشدن)